

(baihgwnz ciep banj daihngeih)

——**Ceihleix swnghdai cingz-yauq yienhda.** 60 bi gaxgonq, Guengjsae ndoengfaex cwgoemq beijlwd ngamq miz 23% , haujlai deihfueg “bya sang rin lai rungh laeglam, namh mbang raemx noix nanz lixyouq”. Seizneix, Guengjsae gaenq daengzdae gietsat gij lizsij bya fwz ndoi ndoq, caetliengh swnghdai doenghgo caeuq cingzdoh gajnde doenghgo baiz youq daengx guek daih’ it, ndoengfaex cwgoemq beijlwd dabdaengz 62%, caetliengh hoengheiq ndawsingz maenhndei beijlwd dabdaengz 88% , raemx gwnznamh naj-raemxgat guekgya gamhanh caetliengh maenhndei beijlwd dabdaengz 96% . Gij gingi lumj sei lumj veh “bya heuswdswd daengj ndaw veh” gizgiz ndaej raen, gaiq ciubaiz dijbauj “bya raemx Gveilinz gaiq lajmbwn” engq-gya ronghsag.

——**Minzczuz doxgiet mbouj-duenh gyamaenh.** Aen Guengjsae mwh Cungguk gaeuq, ginhfaz gat dieg gag ciemq, beksingq hoj yaek dai, gak minzczuz haekhawz gig laeg. Aen Guengjsae ngoenzneix, dwg aen swcigih vunzsoq ceiq lai, caemh dwg aen senggih vunz siujsoq minzczuz ceiq lai, minzczuz cwnqcz aen dangi ndaej daengz cienzmienh gvancez, minzczuz gvanhaeh dwg mwh ceiq ndei. Gak cuz lwgminz ndaej gyau baengz-youx ndei, ndaej guh ranznden doxhuz, ndaej giet yienyienh hab’ ei, gizgiz cungj raen "aen ranz vunz lai, minzczuz cingz laeg". Henz haij henz guek doxcaez hen, saedceij gyaendei doxcaez cauh, lai yiengh vwnzva doxcaez ngonz, raemx saw bya heu doxcaez ung, yienh’ ok fukveh sengdoengh Guengjsae minzczuz doxgiet.

Cibbet Daih aen dangj doxdaeuj, ndaej aen Dangjcunghyangh aeu Siz Ginbingz dungzci guh haedsim maenh’ ak daiqlingx, swcigih haenq-heiq baenaj, aeundaiej cingzcik moq hab geiq haeuj lizsij. Ginghci moix bi bingzyaenz demlai 8.3% , sang gvaq daengx guek bingzyaenz suijbingz haemq lai; moix vunz bingzyaenz digih swnghcanj cungjci zungbyoengq 4 fanh maenz, cungjdae yamq haeuj aen hangzlied cungdaengj souhaeuj. Hwnqguh sezsih giekdaj ngoenz ndei gvaq ngoenz, dwg aen swcigih ceiq caeux haidoeng gauhsuz dietloh caeuq deihdiet, roen gauhsuz goengloh cungraez mauhgvaq 5000 goengleix. Ciengz ciengq gunggeng duetgungz ndaejdaengz gij cincanj miz gietdingh yi, moix bi miz 100 lai fanh vunz ndaej duetgungz, gungzhoj beijlwd daj 18% gyangqdaemq daengz 5.7% , 1700 lai fanh vunz lajmbanj ndaej gwn raemxseuq, 10 lai fanh vunz daegbied gungzhoj buen ok ranzhaz. Swcigih gak cuz lwgminz roxnyinh aeundaiej, roxnyinh vuenyungz demlai yienhda, soqlaiz mbouj lumj ngoenzneix yienghneix miz saengsim, yienghneix cingsaenz gvaekgvaek!

Gij cingzcik lwenqda swcigih 60 bi, dwg Dangjcunghyangh maenh’ ak daiqlingx cij aeundaiej, dwg Guengjsae gak cuz ganbu ginzung buekguh haengguh cij aeundaiej, dwg daengx guek lwgminz haengrengz haeuj-coengh cij aeundaiej, cukgaeuq yienh-ok le gij ndei hungloet sevei cuji cidu miz daegsaek Cungguk, baijok le gij rengzmingh hung’ ak aen cidu rangh-dieg minzczuz gagguenj. Sojmiz

gyoengq ganbu ginzung caennadang ginglig swcigih hwnqfat baenaj, sojmiz gyoengq vunz gak gyaiq gvansim haeujcoengh Guengjsae gajgwz hwnqfat, cungj miz leixyouz vih de angqyangz caeuq mizmaj!

Gyoengq dungzci, gyoengq baengzyoux!

Haeuj daengz seizdaih moq, Guengjsae ciep daeuj aen seizgei hwnqfat doenghbaez caengz miz gvaq, ndwn youq gwnz haidin hwnqfat moq. Siz Ginbingz cungjsuhgi 2017 nienz daeuj Guengjsae gaujcaz, guh’ ok baenzroix ciji youqgaenj, vih guh ndei gak hangh hong fouq lwgminz hwnq Guengjsae ceijmingz fueng-yiengq baenaj. Raeuz aeu haeujlaeg hagsib gvancez gij swhsiengj Siz Ginbingz sevei cuji miz daegsaek Cungguk seizdaih moq caeuq gij cingsaenz Cibgouj Daih aen dangj, demgiengz “seiq aen eiqsik”, giendingh “seiq aen gagsaeng”, geiqmaenh gij sawjmingh moq “sam daih dinghvi”, doeksaed gij iugouz moq “haj aen netsaed”, haengrengz sij ok bien faenzcieng moq hwnqfat Guengjsae.

——**Raeuz itdingh aeu dingj-maenh aen dangj lingjdauj.** Cunghgoz Gungcanjdangj daiqlingx dwg gij genjaeu lizsij caeuq lwgminz, dwg giz leih’ ik, vuenyungz gak cuz lwgminz. Cingq dwg aenvih miz aen dangj maenh’ ak daiqlingx, aen Cunghvaz Minzczuz souhhoj gaenq nanz cijndaej gietsat aen gugmienh dauqcauw faenmbek, sanqnyangnyang haenx, ciepcoux gij bonghyat hungmbwk daj ndwn hwnjdaeuq, fouq hwnjdaeuq daengz ak hwnjdaeuq. Hix cingq dwg aenvih miz aen dangj maenh’ ak daiqlingx, Guengjsae cijndaej saedyienh “faexdiet cien bi ndaej hai va, faexhaemz fanh bi ndaej buen gya, gak cuz lwgminz ndaej danggya”. Aeu giengiet henhoh gij diegvih haedsim Siz Ginbingz cungjsuhgi, giengiet henhoh gij gienzvi caeuq gij daiqlingx gyonjcomz doengjit Dangjcunghyangh, gagrox youq swhsiengj fuengmienh cwngei fuengmienh hengzdoengh fuengmienh caeuq Dangjcunghyangh baujci doxdoengz gig sang, saedbauj gak hangh fuengcim daihcwnq aen dangj cienzbouh doeksaed daengz gizaed bae, saedbauj aen dangj itloh cungj bienqbaenz diuz ndoksaen gak cuz lwgminz, gyonjcomz hwnj gij rengz hungloet swnj gonq bae naj, caezsim cauhguh aen loqsiengj lwglan Betgveiq.

——**Raeuz itdingh aeu dingj-maenh diuzroen sevei cuji miz daegsaek Cungguk.** Yiengh sevei cuji miz daegsaek Cungguk dwg aen fuengyiengq goekgaen Cungguk hwnqfat baenaj ciuhneix. Cijmiz byaij diuzroen yiengh sevei cuji miz daegsaek Cungguk, cijndaej mwnhaengh gak minzczuz, hwnqfat gak minzczuz, saenghwnq gak minzczuz. Aeu dingjmaenh sien fouq bang laeng fouq, byaij diuzroen caezcaemh fouqmiz, gyadaih haeujcoengh ranghdieg minzczuz, hawj vunzchung gak cuz cungj roxnyinh daengz gij raeujrub aen ranzhung sevei cuji. Dangjcunghyangh yawjnaek Guengjsae hwnqfat dangqmaz, gonqlaeng baecinj gij gviveh saedhengz Bwzbuvanh ginghcigih hwnqfat, gviveh dieggyaeu Gveilinz gozci lijyouz

hwnqguh, gviveh ranghdieg ginghci Cuhgyangh——Sihgyangh hwnqfat, gviveh dieggeq gwzming Cojgyangh Yougyangh saenghwnq, saedyienh aen canloz guekgya cwoh daengx Guengjsae. Cibbet Daih aen dangj doxdaeuj, cunghyangh caizcwnq cienmonz bued cienzgaenz hawj Guengjsae mauhgvaq it fanh ik maenz, gij hanghmoeg roengzbonj ndaw cunghyangh yawhsuenq hawj Guengjsae haenx mauhgvaq 5 fanh aen. Gaengrengz rengzguk cunghab mboujduenh dem’ ak, daj neix hwnj haeujcoengh Guengjsae cij miz gyaak mbouj miz gemjnyieg, cij miz demlai mbouj miz gemj noix.

——**Raeuz itdingh aeu dingj-maenh aen leixniemh hwnqfat moq. Guengjsae hwnqfat cingzcik yienhda, hoeng vanzlij dwg ranghdieg caengz fatdad geijlai.** Aeu swnh’ wngq gij maqmuengh haengrem guengjdaih ginzung, giendingh mbouj bienq dawz hwnqfat dangguh aen hongsaeh youqgaenj daih’ it, fatok gij ndei laeng fat, doidoengh ginghci lienzdaemh cangq-heiq hwnqfat, cugbough sukiq gij cengca caeuq ranghdieg fatdad, sukiq gij cengca hwnqfat baihindaw swcigih. Aeu hab’ wngq gij iugouz hwnqfat caetliengh sang, aeu doihaeuj gajgwz gij gapgyaq mbiengj gunghawj guh cawjsienq, youq doidoengh canjniel guhndei swnggaep, cienjbienq fuengsik hwnqfat, daezsang naengzlig cauhoq fuengmienh roengz goengfou, roengzrengz saedyienh ginghci bingzonj demmaj caeuq caetliengh yauqik daezsang doxcoi caez haeuj. Gij ndeicawq swnghdai Guengjsae gim vuenh mbouj daeuj. Aeu hengzguh aen leixniemh bya heu raemx loeg couh dwg bya gim bya ngaenz, gyaak ceihleix swnghdai vanzging, yiemzgek caepfap baujhoh vanzging, sawj biengzdeih Betgveiq bya seizseiz heu, raemx seizseiz saw, hoengheiq seizseiz singjsien.

——**Raeuz itdingh aeu dingj-maenh cienzmienh gyalae gajgwz caeuq gyadaih hailangh.** Gajgwz hailangh dwg aen banhfap youqgaenj gietdingh minghyinh Cungguk ciuhneix, hix dwg giz youqgaenj guhdaengz fouq lwgminz hwnq Guengjsae. Gajgwz mbouj miz mwh sat, hailangh mbouj miz geizhanh. Aeu swnh raq rumzcin gajgwz hailangh 40 hopbi, aeu miz mbei gag gajmoq, aeu gij hengzdoengh rengzrwd, haeujlaeg doicaenh gajgwz aen lingjyiz youqgaenj caeuq aen hothoh gvanhgen, haeujrengz buqcauw gak cungj beihbingh diji gihci, gyarengz gajnde aen vanzging guh seng’ ei, vih hawciengz cawjdae demlai vuedlig, vih cungqvunz demlai bienhleih. Aeu cengqrengz hengzguh aen canloz aeu hailangh daiqdoengh, ndwn giz dieg “van ndeu lomxdawz cib” it guek, ndeindei lienzdoengh doeng gyangsae” gag miz neix, cuengq ok gij rengzndumj “haij” , gik hwnj gij rengzlig “dah” , guh gaeuq bien faenzcieng “bien”, engq ndei yungz haeuj hwnqguh “it rangh it loh”, dajcauh aen gwzgis moq cien fuengvih hailangh hwnqfat.

——**Raeuz itdingh aeu dingj-maenh youq ndaw hwnqfat baujcaug caeuq gajnde lwgminz gwndaenj.** Guengjsae gawq dwg dieg minzczuz, hix dwg dieg henzguk caeuq

dieg gungzhoj, gij ginzung hojnanz lai, gij hojnanz ginzung lai. Aeu dingjmaenh gij hwnqfat swhsiengj aeu lwgminz guh cungsim, lai guh gij saehsaed lwgminz gwndaenj, lai gei gij saehnanz lwgminz gwndaenj, hawj gij cwnqzgoj gajgwz hwnqfat engq lai engq goengbingz ndei daengz gak cuz lwgminz. Aeu raphwnj gij cwngei cwzyin gunggeng duetgungz, baijok boux ceiq rem, dawzcinj yungh cwnqcz, comz rengz haeuj dieg gig gungzhoj caeuq gyoengqvunz gungzhoj daegbied, saedbauj youq gwnz roen cienzmienh siujgangh mbouj noix saek giz, mbouj doek saek aen minzczuz. Aeu gaemndaet ndawbiengz cujyau mauzdun bienqvaq, gyonjcomz rengzlig guh ndei gij minzswng gensez ndeidoh, goekdae, gvaegdae haenx, roengzrengz gajgez ndei doengh gij vwndiz couhnieb, sebauj, gyauyuz, ywbingh, ranzyouq cungqvunz ceiq gvansim haenx, netsaed bae banh ndei moix gienh saehsaed lwgminz gwndaenj, hawj saedceij lwgminz bi ndei gvaq bi.

——**Raeuz itdingh aeu dingj-maenh caeuq laebndei aen cidu ranghdieg minzczuz gagguenj.** Aen cidu neix doekrag youq ndaw lizsij conzduengj Cungguk, hab gij gihbwnj cingzgvang guek raeuz lai minzczuz doengjit, dwg yiengh cauhandu hungmbwk dangj raeuz caeuq daengx guek gak cuz lwgminz. Ranghdieg minzczuz gagguenj dangguh hangh cwngei cidu gaenbonj ndeu nyengh mbouj ndaej doenghngauz, gidij cwnqcz banhfap caeuq saedyienh hingzsih aeu yaw dieg dingheiq, caeuq seizdaih caez baenaj, engq ndei guhdaengz doengjit caeuq gagguenj dox giethab, gij yinhsu minzczuz caeuq gij yinhsu ranghdieg dox giethab. Aeu dingjmaenh dawz minzczuz doxgiet dangguh gij doxgaiq ceiq youqgaenj gak cuz lwgminz, aeueiq cabied, bauyungz lai yiengh, gyahung cingjdae, gyadaih gyaoulouz baedauq caeuq yungzhab, dajcauh diuzgienh hawj gak minzczuz youq ndawbiengz doengzcae caemh youq, doxcaeuq hagsib, itheij guhhong, caezgya angqyangz, sawj gij swhsiengj Bouxgun liz mbouj ndaej siujsoq minzczuz, siujsoq minzczuz liz mbouj ndaej Bouxgun, gak siujsoq minzczuz hix dox liz mbouj ndaej engqgya haeujlaeg daengz ndaw sim cungqvunz. Aeu dingjmaenh yungh faplwd baujcaug minzczuz doxgiet, coicaenh minzczuz baenaj. Gak cuz lwgminz aeu laebmaenh gij yawjap cingqdeng gvendaengz guekcoj, gvendaengz lizsij, gvendaengz minzczuz, mboujduenh couqmaenh gij eiqsik caezcaemh aen Cunghvaz Minzczuz ndeu, hanh lae youq giz ndeu, gamjingz yungzhab youq giz ndeu, lumj ceh sigloux ityiengh gotndaet youq giz ndeu.

Gyoengq dungzci, gyoengq baengzyoux!

Va hai giet mak roekcib bi, seizdaih moq coi raeuz haengrengz baenaj. Raeuz aeu engqgya gaenjaed doxgiet youq seiqhenz aen Dangjcunghyangh aeu Siz Ginbingz dungzci guh haedsim haenx, doxcaemh simhoz, caez ok cawjeiq caez okrengz, gajgwz cauhoq, laemxsim baenaj, vih “cauhlaeb aen Gvangsih gyaunde saedyienh aen loqsieng fukhwnq” haengguh mbouj dingz!